

113 年全國語文競賽原住民族語朗讀 【拉阿魯哇語】 國中學生組 編號 2 號

maci kuasapu

kupitukɯ asapu, manikia atuatuɬlɯŋɯ, asapuau mɯmɯa ia mavacangɯ.
tumua pasakitɯrɯrɯ, iniciki tuahlɯ atuatuɬlɯŋɯ kuasapu, maci aunana ia,
apasamamanganɯ hlatumua asapuisana, ahli'aimau arapamahlɯmahlɯŋɯ.

apulava asapuana ihlakia takacicihli, pahluailei pasamia hlicaliva. tiarata
aunana umahlikua takacicihli, arukucuaicua hlimɯtɯŋgauhliatuɬlɯŋa
sipualisɯhlɯna, ulavaisa ngasamana patailia. atuatuɬlɯŋɯ hlicalivanaa,
auninikia umahlikua sipuamia cucuaari. mairahlu macahlia
sipavɯhlɯvɯhlɯra sitakuamiana, ngasamana apalapala usumanɯ, maci
tuahlɯ mungahlangahla ia ahliki'ai tuahlɯ tiapili tarɯtuahlɯ.

kupi pahlumiamia hlipalakulaia, ulavaisa mara siuacaca. akitamana
ahla kuakiti, rianɯ mara hlicalivacu. ihlaisa'ai ma siangusipina tamuucu
pakacalai, ma cucuaari ma tatuatuahlana pasamia. maruahlɯ pi pasamia,
pi arumuka pi arukacalaimaru takacicihli pi pasamia, kuli'i maru sipasamia
memeamaci kuasapu hlicaliva, miungu ariari kupakita langicana.

mavacangiui? ausi kupi sitapuhlahlɯ. maniki ia tumua
atuɬlɯŋɯ hlicaliva hlitarumiana, maru ucani ngɯtuɬlana hliatuɬlɯŋa
mavacangɯ ahla takuliacɯ.

mɯlɯmɯlɯmɯ, hlicaliva pasamia arakucu pautuhlangi, ulavaisa pi
tukɯ matisapuisana. ucaniika palɯmɯlɯmɯ pautukarahla, mairahlucu kupi
hlitacacuruna. ahliki'ai maru ahla'amisana, hlipasakitɯrɯrɯa hla
hlipasamanganɯna, ausi rahlɯŋɯ ma kiu'una. ihlaisa ausi siatata, ucaniika
pi tacacuruna mavacangɯ, masasangarɯ takacicihli kupatisapu.

ta'iaraisaka tuahlememea asapu,kuhlaisai hlitumamahlenge maraiahle
pasaputa'iaraisaka tuahlea cucu'u asapu,hlicaliva takacicihli hlivu'una.

maci kuasapuaɯ, mairahlu kuasapua, akuaini uramangɯ, pasamia
mara mavacangɯ sipasamanganɯ. tamuucu takuliacɯ, ucaniika mairahlu
akuanisaɯ. maci uka'a sitahlamiamia maisukasɯ, tiaraisa ku alua
utuasamahlana. akuaini pautɯtɯrɯa hliahlumia sapi cucuaari. maci tuahlɯ, ku
asapu, kukia mɯmɯa piatɯtɯrɯ.

musa micɯcɯŋgɯhlɯ, miungu ariari kuaupatuahlɯ, ma muhlusuhlu
uamia sala'ana, maru'ai misaini sapina, maci ausi akuisa hlamuna, macahlia
tukɯ cucu'u, macahlia mɯmɯa tihlaravai cucu'una.

如果不忘記

不想忘記，即便留戀也好，絕望也罷。要有多堅強，才敢念念不忘，即便這樣，曾經拚命地想去忘記，卻愈之清晰。

將絕望留給自己，回顧毫無留戀的背影。又何必這樣作踐，將僅剩尊嚴耗盡，最終又能留下什麼。沉溺於故去，何處安放未來。明知一切自有定數，又有怎樣的期待，若一切能重來，是否還選擇遇見。

毫無意義的掙扎，終究變為笑話。也許是命運的垂憐，在未來某一時刻相遇。「你好嗎？」又顯得毫無意義，但終究感謝曾經莫大的緣分，有一段或喜或悲的記憶。

悄然，時間模糊了曾經、終於想到放棄卻突然發現，早已沒有了興致。也許，曾經的堅持與倔強，會像樹梢上殘存的幾片黃葉，慶幸自己沒有一直沉溺。

人們因為能忘卻，自己脫離了受過的苦痛，也因為能忘卻，所以做一樣的錯誤。

如果不忘記，即使不忘記，又怎能阻擋，時間將刻骨銘心變為了懵懂往事。多殘忍，卻又必然。如果沒辦法抵抗，何不面帶微笑。又怎能確定未來的模樣。如果可以，不要忘記，亦不必說什麼承諾。

去追尋，你永遠不會知道，下個路口會有怎樣的景色。如最初一樣，滲入靈魂。